

秀山縣志卷第十二

貨殖志弟九

尙書傳叙曰九州之志謂之九邱邱聚也言九州所有土地所生皆聚此書蓋自古地志圖經莫不詳土產紀方物其於民用所資財貨所通尤三致意焉顧氏利病書載洞司風俗云石耶邑梅人織斑布爲衣平茶野麻緝布

皇朝書言酉陽土產水銀丹砂布桐油四者秀產爲多是故辟地不過方百餘里而物利之饒歲入錢貨計可百萬可謂不貧矣縣四郊盛山舊時材木不可勝用今墾闢皆盡無復豐艸長林然原隰高下之宜條肄萌茁固可取而驗也其地雖偏西南風雨寒暑以時故土物百產略同列縣若穀有稻梁麥豆包苳

卷十二

貨殖志

一

俗呼包苳爲包穀聲轉改字卽釋名謂之玉膏梁山氓以爲常食縣人磨豆爲乳煑包苳實爲酒所在爲恆業歲利可數千金菜有薑芋蒜荪芥韭椒芹蒿苣菜菘菘菹菠菱蕪菁蕓薑薑茭筍蘘荷蒟蒻豆瓜瓜豆之種數十蒟蒻土人呼爲鬼芋磨漿食之薯本菜類而貧民以代穀食山原徧種之土亦最宜木則枌杉楓柅梓桐松柏楊柳欒櫚烏臼冬青楮柞桑柘阜莢而杉最盛亦最良於材利數千金近歲官士大植桑過萬株十年之後利匪細也艸則茅蕭蘆蓼蘋萍稂蕁麻通艸蕁麻有刺螫人山徑多有之石隄山中尤饒蕙艸樵人襍蒿薪刈之花竹之屬名類細鱗不可勝紀有謂斑竹者川南鹽井常取用之縣人捆致歲利三四千金南竹則筍最美而竹亦中工材鄉人漚竹爲紙

質理粗澀利亦數千金藥有厚朴黃柏茯苓黃精杜仲車前茱萸栝樓兔絲半夏首烏菝葜而厚朴黃柏歲貨數百金八面山產杜仲至萬斤土氓莫知有吳賈行山下見樵以斧斯木而惡其綿佯言此惡木問所生處則簇根彌崖因以四萬錢買山獲收百倍其利果則棗梨枇杷橘柚柑榴桃杏柿李鳧茈葡萄粟木瓜處處有之附郭十里尤饒柑橘東鄉宜植黎歲致利並數百金其他家畜山禽襍獸介鱗昆蟲之屬卵字胎化無珍奇殊產未足以驗土性當方物非載筆之所急也其樹蓀生植通於利用者雖地所產不止此而大要具焉至於居貨成市競來商賈千里奔走爲一都會其物通行流衍達乎江漢河泝淮海之鄉通有餘補不足因得以攷民俗明其好惡得失以爲施政之

卷十二

貨殖志

二

之資爰列述其大凡爲貨殖篇云 丹砂縣名產也自劉昭補後漢志言涪陵出丹常璩華陽國記載丹興山出名丹皆今縣疆域也西北溪口山中連嶺通谷舊饒丹穴最上者出石中色鮮赤晶燦新唐志稱黔州貢光明丹砂卽此種也秀山於唐蓋黔府五州屬地其次曰土砂光采微黯亦不堅確有謂豆瓣者肖形爲名成都藥賈競買之砂一斤值千錢有奇賤於石砂一倍或且三四倍石砂旣名貴品而取之殊難穴巖察脈丹止一綫又多兼白石所謂白帶也采取者相望椎鑿之聲四時不絕故近歲寇亂倉卒無所調發輒召溪口廠丁千百咄嗟可集舊產稱龍門廠今則新添坪名大廠土砂所在有之然俱不出溪口四十里外廠戶販運出境歲利凡萬金水銀者燒丹爲之取

丹者采去精好其膚末棄塊襍入鍋中燒之蒸液成水銀利亦二三千金同治時陳際臺砂廠最盛未數年成富室西陽人爭其利械鬪殘殺並有死亡際臺坐是下獄連訟累年竟破其家蘊利固足生孽而暴興尤不祥至今采丹者所獲不及其十一以此亦頗相安云 秀山擅油利舊矣故秀油最名載銷湘漢淮沔之間而漢口其都會也其次常德次湘潭新隄咸同間粵寇軼犯武昌漢口爲墟秀油滯壅商賈皆失業及江南寇平則油不敷銷坐獲奇價或起家至數十萬秀油者研膏桐實爲粉入鍋鈔煎沸膏四溢則團以稻秸鐵箍束之積二三十團上下夾橫木而加椎焉油成佳者如漆膏桐一名荏桐又名虎子桐其樹臃腫拳曲三月始華時必肅寒民間謂之凍桐花楊慎丹

卷十二

貨殖志

三

鉛錄引諺語云貧兒且莫誇要過桐子花其實纍纍滿枝有房如胡桃研則去其外皮以縣產最良故秀油名一時其不爲秀油者爲桐油秀油色黑故俗呼桐油爲白油對黑爲稱也秦吳荆豫大商皆奔走數千里以爲專業舊有十號今惟萬事義合同人瑞泰正盛義順萬興長茂八號猶盛桐實平時斗率千一百二錢一斗實得秀油十二斤漢口秀油百斤率值銀六七兩有奇同治時至十三四兩蓋千載一時也近三十年始別出一種熬煮白油而染其色起於一二作僞之徒其後遂通行之故今秀油有兩種僞者謂之水牌其值百斤銀率下一二兩駟儉狃近習又工費便省不思變圖矣秀油歲貨二十餘萬金白油亦不下七八萬金又有茶油木油菜油亦數萬金凡木華實終

歲率三時一休茶樹子落卽華凌冬無歇實亦有房縣境處處種之與桐林相望焉木油者烏白實汁也菜卽萐臺土人通呼爲油菜以其子可成油三者研造取汁並如桐油其瀘均可膏田歲亦數千金而桐瀘尤良農人倚貴菜油瀘乃能毒魚滲粉入水禍同絕澤官府嘗旃禁之西水舟楫通津下水載油上運皆木綿他貨未百一也咸豐末石隄置釐金局以秀油綿花爲大宗摧釐至萬金縣民最重通州綿花然商賈都恃貴州爲轉銷境內所賣亦未百一也紡綿織布皆婦工今遠近通稱平塊布其實官莊牙阻婦女最工織布而販集平塊遂專大名歲亦四五千金 煙艸自前明始有之縣城基初名煙麻坪蓋舊饒苾麻煙艸之利顧甯人云平茶人多織野麻爲布今四境稀聞

卷十二

貨殖志

四

苾麻或有之率里不十畝豈今古土性異宜耶獨煙爲鯀盛梱載出境歲萬金凡種煙艸務肥沃田間歲一休則尤茂遂最惡滲溼爲經緯涂而深其溝秀產以東鄉小水坡爲美種然不及千金不能名遠 漚藍爲靛農隙所講事也通考云種藍一畝敵穀田一頃能自染青者其利又倍縣地藍畦相望葉滿則坎土瀦水爲圓池謂之靛池刈葉入水可七八日以竿耙襍攪之滲以石灰其輕重視水色爲程有如蔚藍者佳靛也歲貨亦數千金鄉人販藍靛煙艸起家者接踵但賈視之屑如也 石炭以代薪燒東南穿河蓋西北平陽蓋兩界大山也產炭最盛業秀油者尤需之歲用至千萬斤平時十斤率十餘錢最貴無過廿錢歲亦至數萬金近歲開鑿幾空傾塌時聞然所產未衰擔

負者皆附山窮氓什伯成行山路巘嶇嘉道時節婦李士昌妻陳氏嘗大修穿河蓋路其後黃惠燦復一修當陳氏修路時家無中人產故今百年山氓耆老猶傳說之燒石作灰用堊牆壁亦以糞田所在有之利亦數千金木桐蓋亦產石炭然多運銷西陽縣人燒之千之一也凡縣境山並出五金東鄉鐵廠坳黑鉛溪南鄉金沙洞皆淘采冶鑄舊地今無開之者 罌粟禍艸也其汁能殺人李時珍以爲甘平無毒蓋據其質性爲言自西洋倡其法煉汁爲膏以火爇吸之中毒旣深喪精耗業久之中國傳其種菝植幾徧疆臣齷齷至形章奏未能禁也秀山多平原廣陸花時紅白彌望農甿以其無妨樹藝尤競種之歲貨萬金艸木之生以養人也而其害乃至此嘗論近今三百年中一

卷十二

貨殖志

五

大利一大害番薯罌粟是也皆來自外夷儻亦有數存與 牙行典鋪例有課稅秀山非緜會大都二者竝無之凡城廂市集豬雞馬牛油炭米薪所聚皆曰行其實古里墟也平塊販牛歲過萬金龍潭壩其次焉油則邑梅平塊行市爲盛他皆散賣餘物有無通易市價高下以時消長歲亦不下數十萬金典鋪歲貨可數萬然縣民率資穀爲富田無過萬畝者軍興以來公私金錢皆絀無能爲役且聞將領帖則相顧愕眙莫知所由然也夫山林川澤原隰之利百世賴之而古今錢貨聚散無常非物力有時彫耗俗媮窳之敝也禮曰生財有大道生之者眾食之者寡爲之者疾用之者舒縣人樸儉安俗樂業故無甚貧亦無巨萬之家誠率其民而教之方任恤睦嫻百里熙熙則叔季黃

虞也前史嘗列敘貨殖綜究天下財物以致其謨國富彊之術  
然則君子未嘗惡言利惡乎媮利而害俗也今次一縣物產錢  
貨備論其數撰爲一篇將俾達治者有所攷焉

秀山縣志卷弟十二

卷十二

貨殖志

六